



Naaja H. Nathanielsen  
Inatsisartuni ilaasortaq

Mailikkut nassiussaq

**Apeqqut nr. 004-miittunut akissutit – Polar Oil aamma ikummatissanut akit**

06-01-2016  
Sags nr. 2016 - 207

Inatsisartut suleriaasianni § 37, imm. 1 naapertorlugu Polar Oil aamma ikummatissanut akinut tunngatillugu Naalakkersuisunut apeqquteqarsimavutit. Apeqqutit suliasaqqarfanni akineqartussanngorlugit innersuutaapput.

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.nanoq.gl

- 1. Naalakkersuisut paasinninnerat naapertorlugu Aningaasanut Naalakkersuisumit 4. januar tusagassiutitigut nalunaarut, § 37-mut akissummut, tassa Inuussutissarsiutinut Naalakkersuisup 28. decembarimi orsussat akiinut tunngatillugu akissutigisaanut naapertuuppa? (apeqqut 294)**

Akissut:

Taaneqartumut § 37-mut apeqqummut (nr. 294) akissut ikummatissat piviusumik atasutut akinik aalajangiussaqaqarnermik aallaaveqarpoq, tassani, soorlu akissummi apeqqutilliissuternullu takuneqarsinnaasutut, tassannga KNI Polaroil aalajangiisartuulluni.

Tusagassiorfinnut nalunaarut 4. januar 2016-imeersoq sinaakkutissatut piumasaqaatit atuuttuusut naleqqussarsinnaanissaat pillugit politikikkut isummamut takussutissiissutaavoq. Taamaattumik apeqqummut 294-imut akissutip aamma Aningaasaqarnermut, Aatsitassanut Nunanullu Allanut Naalakkersuisup tusagassiorfinnut nalunaarutaata akornanni sutigulluunniit paarlangassuteqartoqanngilaq.

- 2. Tusagassiutitigut nalunaarutip nassiutinnginnerani akit apparnerunissaannut Polar Oili toqqaannartumik Naalakkersuisuniit piumasaqarfigineqarsimava? Taamaangippat, taava piginnittuniit ingerlatsivinnut tusagassiutitigut attaveqarneq Naalakkersuisuniit professionaliusumik ingerlatsinertut isigineqarpa?**

Akissut:

KNI Polaroilip tungaanut akit appartinnissaat aalajangersimasut pillugit Naalakkersuisut piumasaqaatinik saqqummiussaqaarsimangillat. Tamatuma saniatigut apeqqut 1-imut akissut innersuussutaavoq.

- 3. Naalakkersuisut isumaat naapertorlugu Polar Oilip akinik appaanissaanut tunngatillugu 4. januar tusagassiutitigut nalunaarutip imaa akuliuttussaannnginnermik tunngaveqarnermik akuerinninnerua?**

Akissut:

Akuliuttussaanginnermik tunngaveqarneq tassaavoq periaaseq ajutoornanngitsoq, akunnaatsoq tulluarterlu, Naalackersuisut malittarissallugu aalajangersimasumik ingerlateqqikkusutaat. Piviusutut attaveqatigiiffimmi tamatuma nassataraa ingerlatsinermit tunngasunut niunermilu pissutsinut tamanut tunngatillugu KNI Polaroil'ip akisussaaffeqarnera – aamma aalajangiinissamut pisinnaaffeqarnera. KNI Polaroil'ip suliffimmik ingerlatsinerani sinaakktissatut piumassaqaatinut tunngatillugu Naalackersuisut aalajangiinissamik pisinnaaffeqartuupput. Sinaakktissatut piumasaqaatit taakku ilaatigut Inatsisartut akuerisaattut inatsisaasut aqputigalugit, ilaatigullu uuliamik pilersuinissaq pillugu KNI Polar Oil'ip atsiugaralugu kiffartuussinissamik isumaqatigiissutaa aqputigalugu atuutsinneqarput.

4. **Aningaasanut Aatsitassanullu Naalackersuisup akinik appaaneq tassaanerarpaa "eqqoqqissaartuunngitsoq". Taamatut oqarneq itisileqquneqarpoq. Assersuutigalugu taava Polar Oilip pisiniartarnermini ileqqua Aningaasanut Naalackersuisumit apeqquuserneqarpa, tamatumanimi orussamat akit annertuumik nikerartuunissaat pinngitsoortinneqarniartarmat?**

Akissut:

Kiffartuussinissamik isumaqatigiissut naapertorlugu ikummatissanut imerpalasunut ataasiakkaatut akii kiffartuussinissamik isumaqatigiissummut atasutut isertitat aningaasartuutillu tunngavigalugit naatsorsorneqassapput. Saniatigut malitsigisinneqarpoq akit sapinngisamik appasinnerpaamut inissillugit aalajangersartarnissaat. Taamaattorli ingerlatseqatigiiffiup 2012-imit 2016 ilanngullugu sinneqartooruteqassasoq isumaqatigiissutaasimavoq, ilaatigut piffissami tassani kiffartuussinissamik isumaqatigiissutip atsiorneqarfiani tankeqarfinni aserfallatsaaliuinermit kinguartoorussanut tunngatillugu kivitsisoqarnissaanik periarfissiisussamik.

Ukiut siuliisulli KNI Polaroil 2016-imi pisiassanut uuliamut akuiagaangitsumut aalajangersimasunik akinik isumaqatigiissutinik atsiugaqarsimavoq.

Akinik appartitsineq ingerlassaq 2016-imi nunatsinni inoqutigiinni koruuninik 34 mio.-ngajannik sipaaruteqarnernik nassataqartitsissasoq KNI ilisimatitsivoq. Taamatuttaarlu KNI-p ilisimatitsissutigisimavaa ingerlatseqatigiiffiup 2008-mit juuli 2014-imut akinik qularnaarineri koruuninik 197 mio.-nik ilorraap tungaanut sunniuteqarnermik nassataqarsimasut, aammalu juuli 2014-imit novembari 2015-imut koruuninik 107 mio.-nik killup tungaanut sunniuteqarnermik nassataqarsimasut.

5. **Naalackersuisut tigussaasumik qanoq iliuuseqarnialersaarpat? Naalackersuisut orussat akiinut aaliangersaanermi toqqaannartumik akuliunnialersaarpat? Orussallu akiinik aalajangersaanermut Naalackersuisut allatut ingerlatseriaaseqarnialersaarpat?**

Akissut:

Inuiaqatigiinni ikummatissanik pilersuinermit atatillugu KNI Polaroil ingerlatsinermit tunngatillugu niunermillu sammisanik tamanik

Naalakkersuisut isumaat naapertorlugu isumaginnittuassaaq. Ingerlatsivimmi akit qularnaarnissaannik periusissiatut atorneqartup iluarsaannissaanik Naalakkersuisut oqaloqatigiissuteqarniarput, taamaalilluni kiffartuussinissamik isumaqatigiissummi sinaakktissatut piumasaqaatit ilaattut taanna ilaatinneqalissalluni.

Ikummatissat akiisa appartinneri Naalakkersuisut tusaatissatut tiguaat, ilanngullugu Polaroi'ip akii 2014-imi ukiakkulli taamaalillutik literikkaanut katillugit 72 ørenik appartinneqarsimanerat. Niuffaffimmi uuliap akia piffissami tassani annertunerusumik appariarsimatera assersuussissititut ilisimatitsissutigineqarsinnaavoq.

Ikummatissanik pilersuinerit pillugit KNI/Polaroi'ilu kiffartuussinissamik isumaqatigiissutinik isumaqatiginninniarnernut atatillugu ikummatissanut imerpalasunut ataasiakkaanut akit suli annermik appartinnissaat Naalakkersuisut sammisarissavaat, taamaalillutik ukiuni kingulliunerusuni pisimasutut nunat tamalaani uuliamut akini annertuumik appariartorsimasunik nunatsinni inoqutigiit suli annertunerusumik iluaquteqarsinnaalissammata.

**6. Polar Oilikkut orsussanut akinik aalajangersaaqqammernermi allatut ingerlatseriaaseqalersimappat, imaluunniit akinik aalajangersaaneq pisarnermisuut piinnarsimava? Uani Naalakkersuisut Inatsisartullu akuutinneqarnerat paasissutissinneqarnerallu immikkut pineqarpoq?**

Akissut:

5. januar 2016-imit atuutilertumik literikkaanut 27 øremik ikummatissat imerpalasut akiisa appartinneqarneri pillugit KNI-mit Naalakkersuisut ilisimatitsissut tigusimavaat.

Piffissami 2012-imit 2016-.imut ikummatissat imerpalasut pilersuutaaneri pillugit Namminersorlutik Oqartussat aamma KNI-p akornanni kiffartuussinissamik isumaqatigiissut atuuttoq naapertorlugu akinik appartitsineq pivoq.

Inussiarnersumik inuulluaqqusillunga

Randi Vestergaard Evaldsen  
